

KANTON SARAJEVO
SKUPŠTINA KANTONA SARAJEVO
n/r Predsjedavajućeg
MINISTARSTVO ZA ODGOJ I OBRAZOVANJE
n/r Ministrice

Amel Mekić, Zastupnik

PREDMET: Zastupnička inicijativa

Poštovani,

na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) pokrećem inicijativu:

**INICIJATIVA ZA IZRADU
ELABORATA O OPRAVDANOSTI UVOĐENJA OBAVEZNOG VIDEO NADZORA U SVE VRTIĆE
U KANTONU SARAJEVO**

Obrazloženje:

Tragom pojedinačnih inicijativa građana za uvođenje video nadzora u vrtiće u Kantonu Sarajevo (JU Djeca Sarajeva i privatni vrtići) pokrećem inicijativu prema Ministarstvu za odgoj i obrazovanje za izradu elaborata o opravdanosti uvođenja obaveznog video nadzora u sve vrtiće u Kantonu Sarajevo.

Naime, u privatnim vrtićima već postoji video nadzor što podnosioci inicijative – građani smatraju opravdanim, jer doprinosi sigurnosti djece dok borave u vrtićima. Riječ je o osjetljivoj kategoriji, djeci najmlađeg uzrasta koji nisu uvijek u mogućnosti da prepoznaju i prenesu potencijalno ugrožavajuće, štetno ili neprofesionalno ponašanje pojedinaca. Kako je riječ o jednoj od najintenzivnijih razvojnih faza u razvoju ličnosti, podnosioci inicijative o uvođenju video nadzora u sve vrtiće, smatraju inicijativu opravdanom.

Istovremeno, u svjetlu suprotnih argumenata, postavlja se pitanje narušavanja integriteta odgajatelja, te se otvara put ka kreiranju društvenih odnosa u kojima bi povjerenje bilo veoma nisko na ljestvici pozitivnih vrijednosti u vrijednosnom sistemu. Također, postavlja se i pitanje eventualnih zloupotreba snimljenog materijala.

Ova inicijativa imala bi i određene fiskalne efekte po Budžet Kantona Sarajevo.

U odnosu na naprijed kazano, podnosim inicijativu prema Ministarstvu za odgoj i obrazovanje da izradi elaborat o opravdanosti uvođenja video nadzora u sve vrtiće u Kantonu Sarajevo, te da nakon toga donese odluku i poduzme mjere iz svoje nadležnosti.

S poštovanjem,

Sarajevo 17. 06. 2021. godina

Zastupnik u Skupštini KS

Amel Mekić

